



四庫全書

薈要

【集部】

吉林人民出版社

乾隆
御覽本

四庫全書薈要

集部
第十六冊

欽定四庫全書薈要

集部
文憲集卷一

詳校官侯爾通政司經歷臣郭祚熾

文憲集目錄

卷一

表賦頌詔誥

卷二

記

卷三

記

卷四

記

卷五

序

卷六

序

卷七

序

欽定四庫全書



文憲集
目錄



卷八

序

卷九

序

卷十

傳

卷十一

傳

欽定四庫全書

文憲集
目錄

卷十二

題

卷十三

題

卷十四

跋

卷十五

歲銘

卷十六

碑

卷十七

神道碑

卷十八

神道碑
墓碑

卷十九

墓銘

欽定四庫全書

文憲集
目錄

卷二十

墓銘

卷二十一

墓誌銘

卷二十二

墓誌銘

卷二十三

墓碣

卷二十四

墓版文表辭誌

卷二十五

行狀 謚議 雜著

卷二十六

雜著

卷二十七

雜著

欽定四庫全書

文憲集
目錄

卷二十八

雜著 書

卷二十九

辭

卷三十

贊

卷三十一

評操 鼓吹 詩

卷三十二

詩

臣等謹案文憲集三十二卷明宋源撰源字

景瀛浦江人元至正末召為國史院編修官

不就後應明太祖徵官終學士承旨追諡文

憲事蹟具明史本傳其文根抵醇茂為明初

儒臣之冠嘗著孝經新說周禮集注今皆不

傳而集中說經之文若河洛說章服辨諸篇

欽定四庫全書

文憲集
目錄

均有發明可以想見其所學其孔子生卒年

月考一篇推襄公二十一年十一月無庚子

正公羊十一月庚子孔子生之誤推哀公十

六年四月無己丑正左氏夏四月己丑孔子

卒之誤考証尤精惟孔子廟堂議一篇謂七

十二子但當祀於太學不當祀於郡縣其說

似乎太偏然金壁微青固無庸置議矣乾隆

四十三年二月恭校上

總纂官臣紀昀臣陸錫熊臣孫士毅
總校官臣陸費墀

文憲集卷一

明宋濂撰

表凡四章

進大明律表

臣聞天生烝民莫不有欲欲動情勝詭偽日滋強暴縱其侵陵柔懦無以自立故聖人者出因時制治設刑憲以為之防欲使惡者知懼而善者獲寧傳所謂獄者萬民之命所以禁暴止邪養育羣生者也譬諸禾黍必刈

狼莠而後苗始茂方於白渠必去砂礫而後食可滾苟梗化敗俗之徒不有以誅之雖堯舜不能以為治夫自軒轅以來代有刑官而五刑之法漸著其詳弗可復知逮魏文侯師於李悝始采諸國刑典造法經六篇漢蕭何加以三篇道號九章曹魏劉劭又行漢律為十八篇晉賈充又參魏律為二十篇唐長孫無忌等又取漢魏晉三家擇可行者定為十二篇大槩皆以九章為宗歷代之律至於唐亦可謂集厥大成矣洪惟皇帝陛下受

億兆君師之命登大寶位保入臣民尊尊弗息其訓迪
羣臣諱復數千言唯恐其有犯慈愛仁厚之意每見於言
外是大舜惟刑之恤之義也矜憫愚民無知陷于罪戾
法司奏讞輒惻然弗寧多所寬宥是神禹下車而泣之
心也唯貪墨之吏承踵元弊不異白梁中之沙礫未泰
中之狼莠也乃不得已假峻法以繩之是以臨御以來
屢詔大臣更定新律至五六而弗倦者凡欲生斯民也
今又特敕刑部尚書劉惟謙重會衆律以協厥中而近

欽定四庫全書

卷一

二

代比例之繁姦吏可資為出入者咸痛革之每一篇成
輒繕書上奏揭於西廡之壁親御翰墨為之裁定由是
仰見陛下仁民愛物之心與虞夏帝王同一哀矜也易
曰山上有火旅君子以明慎用刑而不留獄言獄不可
不謹也書曰刑期于無刑言辟以止辟而民自不敢犯
也陛下聖慮淵深上稽天理下揆人情此百代之準繩
實有易書之與古行見好生之德洽于民心凡日月所
照霜露所墜有血氣者莫不上承神化改過遷善而悉

臻雍熙之治矣何其盛哉臣惟謙以洪武六年冬十一
月受詔明年二月書成篇目一準之於唐曰名例曰衛
禁曰職制曰戶婚曰廩庫曰擅興曰賊盜曰關訟曰詐
偽曰雜律曰捕亡曰斷獄采用已頒舊律二百八十八
條續律百二十八條舊令改律三十六條因事制律三十
一條拔唐律以補遺一百二十三條合六百有六分為
三十卷其間或損或益或仍其舊務合重輕之宜云謹
俯伏闕廷投進奉表以聞臣等誠惶誠懼稽首頓首謹
言洪武七年月日具官臣等上表

欽定四庫全書

卷一

三

進元史表

伏以紀一代以為書史法相沿於遼固考前王之成憲
周家有監於夏殷蓋因已往之廢興堪作將來之法戒
惟元氏之有國本朔漢以造家用兵戈以爭強并部落
者十世逐水草以為食擅雄長於一隅逮至成吉思之
時大會幹難河之上始尊位號漸定教條既近取於乃
蠻復遠攻於回紇渡黃河以蹴西夏踰居庸以瞰中原

太宗繼之而金源為墟世祖承之而宋錄遂訖立經陳紀用夏變夷肆宏遠之規模成混一之基業爰及成仁之主見稱願治之君唯祖訓之式遵思孫謀之是遺自茲以降章號隆平豐亨豫大之言鼓倡於天歷之世離析渙奔之禍馴致於至正之朝孽幸蠱惑於中權姦蒙蔽於外漢網祇因於疏闊周網逮至於陵遲風憲皆為不捕之猫將士盡成反噬之犬由是羣雄角逐九域瓜分風波徒沸於重溟海岳竟歸於真主中謝欽惟皇帝

欽定四庫全書

文憲集

四

陛下奉天象運濟世安民建萬世之丕圖紹百王之正統大明出而熾火息率土生輝迅雷鳴而衆響徵鴻音斯播載念盛衰之故仰推忠厚之仁斂言實既亡而名亦隨亡獨謂國可滅而史不可滅特詔遺逸之士欲求議論之公文詞勿至於艱深事迹務令於明白苟善惡瞭然在目庶勸懲有益於人每因天語之丁寧愈見聖心之廣大於是命翰林學士臣宋濂待制臣王禕儒士臣汪克寬臣胡翰臣宋禧臣陶凱臣陳基臣趙璵臣曾

魯臣趙汭臣張文海臣徐尊生臣黃茂臣傅恕臣王鈞臣傅著臣謝繼臣高啓分科脩纂故上自太祖下迄寧宗靡不網羅嚴加搜采恐玩時而愒日每繼晷以焚膏故於五六月之間成此十三朝之史況往牒舛訛之已甚而它書參考之無憑雖竭忠勤難逃疎漏若自元統已後則其載籍無存已遣使而旁求俟續編而上進愧其才識之有限弗稱三長兼以紀述之未周殊無寸補臣濂忝司鈎軸幸觀成書信傳信而疑傳疑僅克編摩

欽定四庫全書

文憲集

五

於歲月筆則筆而削則削敢言褒貶於春秋仰慶乙夜之觀期作千秋之鑑所撰元史紀三十八卷志五十三卷表六卷傳六十二卷目錄二卷通計一百三十萬六千五百餘字謹繕寫成百二十冊隨表上進以聞

致仕謝恩表

翰林學士承旨嘉議大夫知制誥兼脩國史兼太子贊善大夫臣宋濂誠歡誠忤稽首頓首上言臣聞生世而逢真主仕宦而歸故鄉此人臣至榮而至願也臣本一介

書生粗讀經史在前朝時雖屢入科場曾不能沾分寸之祿甘終老於山林今幸遭逢聖主定鼎建業特勅省臣遣使者致幣起臣於金華山中俾典儒臺繼陞右史侍經東宮供奉翰苑去歲欽蒙特除承旨為文章之首臣而次子璉擢中書舍人長孫慎殿廷序班一門三世俱被恩榮近者又荷追封祖父親御翰墨寵以雄文榮然奎壁之光照耀霄漢且憐臣年老令致政還鄉又有冠服文綺寶楮之賜鴻澤滂沛不一而足其高如天其

欽定四庫全書

文憲集

六

厚如地照臨如日月非筆墨可盡述臣誠惟誠忤稽首頓首欽惟皇帝陛下以布衣混一四海如漢高祖以仁義化被萬方過唐太宗宵衣旰食孜孜圖治欲使天下蒼生無一夫不被其澤雖以臣之愚陋無尺寸之功亦蒙寵遇如此之至銘心鏤骨誓不敢忘自度無以效犬馬之誠唯朝夕焚香上祝千萬歲壽及以忠勤教子孫俾世世無忘陛下深仁厚德而已臣無任瞻天仰聖激切屏營之至謹奉表稱謝以聞臣濂誠惟誠忤稽首頓

首謹言洪武十年二月十二日具官臣濂謹上表

致仕謝恩箋

具官臣宋濂誠惶誠忤頓首頓首上言近者欽蒙聖恩追贈二代許臣致仕還鄉臣自正月初六日陞辭十日發舟二十七日至家二月初三日詣墓所祭告昭宣制命龍光烜赫下燭泉壤鄉里親朋一時畢會相與嘆慕以謂天朝待士如此之至莫不感激思奮此皆皇上之大德殿下之深恩顧臣區區何以圖報於萬一臣聞古

欽定四庫全書

文憲集

七

聖人有言曰為君難其所謂難者何也蓋以四海之廣生民之衆受寄於一人敬則治怠則否勤則治荒則否親君子則治近小人則否其機甚微其發至于不可遏不可不謹也所以二帝三王相傳心法曰德曰仁曰敬曰誠無非用功於此也治忽之間由心之存不存何如耳臣誠惶誠忤頓首頓首恭惟皇太子殿下仁孝溫恭出言制行動合至道中外無不仰望而臣猶以二帝三王相傳心法為言者誠以為君之難也臣退居田里而

忠愛之心彌切旦夕不忘於是敢貢芻蕘之言伏望殿下察臣所言而篤行之則天下幸甚臣無任瞻仰激切屏營之至謹奉箋申謝以聞臣瀟誠惶誠忤頓首頓首謹言

賦凡二章

奉制撰蟠桃核賦有序

洪武乙卯夏五月丁丑上御端門召翰林詞臣出示巨桃半核蓋元內庫所藏物也其長五寸廣四寸七

欽定四庫全書

文憲集

分前刻西王母賜漢武桃及宣和殿十字塗以金中繪龜鶴雲氣之象後鐫庚子年甲申月丁酉日記其字如前之數亦以金飾之所謂庚子實宣和二年字頗疑祐陵所書既奉旨撰賦垂誠方來臣瀟謹按西王母獻桃事詳見張華博物志第八卷史補類中華言桃七枚大如彈丸遺帝五自食其二以今核觀之且十倍於彈丸則其實之如斗可知矣豈華出於傳聞而想像載之歟抑其言足信而後之好事者假托

傳會之歟不然漢武內傳所謂桃如鳬卵形圓而色青者又果何如歟復按蔡京所記尚庫有王母蟠桃核頗鉅京嘗相祐陵其見與今相符事當可徵然則傳志所載誠有不可信者歟臣敢忘其固陋製賦一篇俯伏丹墀以獻初則極其形容終則一歸於正其詞曰

炎漢六葉實惟武皇闡坤符握乾綱祀汾陰建竹宮仁獸在郊赤芝騰房西海獻續弦之膠弱水來燕卵之

欽定四庫全書

文憲集

九

香慶諸福之畢集思騎龍於帝鄉幸靈桃之入口傳仙種於下方想其瑤階露寒彤庭秋迴銀燭未掩畫屏斜映啓承華之秘殿照瑤池而神騁忽王母兮遙臨托青鳥以傳命鬱佳氣之慈龍觀芳姿之妍靚於是玳席初延霞觴屢傳蘭辭吐分韻人縹袂舉兮高鶩紫雲之輻輳暫駐九微之燈火猶燃乃啓錦幃乃濯翠蓮乃出桃實獻于帝前味甘醇而如醴色含腴以不乾驚刀割蜜神液流泉上滋華池身輕欲僊將懷核而種之漸上林

之寒煙王母微笑塵世易遷倘花實之並見歲屢閱於
三千唯紫府之列真視滄海於桑田彼窺鳥牖之小兒
尚奚測夫幽玄斯核也匪鑄而成非陶而凝藉五行之
事毒資六氣以流形鄙軀屏之脆薄並玉質之堅貞爪
之不入叩則有聲知何年之中析存半壁之晶瑩俯貼
金盤巢蓮之危仰象玉露常滿之梧銳首聳兮尖岑豐
下摘吐大切
缺長也兮墜星衆皺感背文之猶一霍暈面色之
頽荷盤欲展蚌甲未局歲仁之跡猶在舍肌之辨如生

欽定四庫全書

文憲集

十

孟肉好之隱約圓合線之交層龜鶴軒翥兮顯象寶章
絢爛兮金明鳳由驚異同歲真於天府星形月魄扶瀾
氣於蓬瀛嗟夫自昔仙靈恍惚難憑出無入有變幻莫
停稿類盜兮已困巢如瓜兮漢庭恣然森之方士騁說
辦之奔騰瞻雲路之咫尺恨凡骨之難登以雄才之蓋
世甘昏溺而不醒至若建章月淡甘泉風冷銅莖中峙
仙掌高擎望颺輪兮不來徒馳情於窈冥苦白日之易
短兮竟莫制於頽齡核雖存而人則逝兮悲秋風於茂

殿矧宣和之繼軌兮慕鼎湖之龍升托青華之帝子設
神霄之玄稱何殷鑒之不遠踵履繼其相仍天啓皇明
真人龍興順堪輿之大化調陰陽之至精道德行兮即
龍虎之丹顯忠信昭兮勝鉛汞之功宏以九州為仁壽
之域躋兆民於喬松之朋神機流決太和薰蒸指佞人
兮草生屈軼齊氣朔兮階秀堯寶視區區之遺核初何
繫乎重輕此所以革往古之荒唐法唐虞以作程也歌
曰桃有核兮大逾掌歷十齡兮多惚恍慨靈仙兮勞夢思

欽定四庫全書

文憲集

十

誰見崑丘兮紫芝長真人出兮海寓寧禮樂為冠兮仁
義作纓蕭韶九成兮鳳凰鳴青鳥不敢狹兮幻說清千
秋萬歲兮永長生

竊記徽宗本紀宣和元年己亥二月庚辰改元遂易
宣和殿為保和殿至四年壬寅夏四月丙午詔錄三
館書置宣和殿及太清樓秘閣始重稱宣和今視核
上之字刻于二年庚子之甲申月丁酉日乃不書保
和而猶襲宣和之名此固不可不疑況丁酉日屬庚

子歲癸未月之終今復隸之於甲申月之首尤有不可得而致詰者頗意此核非漢武時物字亦非宋祐陵所書雜書所載海外之國多大桃雖不可盡信或者得其遺核特依倣而托之者歟然漁年已邁舊學皆廢忘未必其言之足徵也姑書之於此以俟後之君子云

崆峒雪樵賦 有序

劉君宗弼家于賴之崆峒山陽學瞻而文雄嘗擢進士

欽定四庫全書

文憲集

卷三

第入教成均出仕浙江部使者之寄聲光已赫然矣君乃退然弗居方以崆峒雪樵自號其殆顯幽一致者歟非賢而有德者蓋弗能也君間請灋賦其事雕蟲篆刻之學老且忘去龜勉操觚雖用賦體而比物成義為多君之西還或歌於清泉白石間山靈聞之未必不驟然一笑也其辭曰

伊空同之拔起兮鎮嶠南之靈區翠嶺續其蕩空兮播瀨氣之凝絃章貢挾以比流兮益土脈之滋腴穴遙通

於龍翁兮勢蟠亘於鬱孫信地維之與宅兮為靈真之所都則有白鵝羽人黃唐丹士闔玉為房鑄金成泰仰青帝之布帷撥赤霞而啓筭倬下土之室濁凌剛風以逕度惟彭城之僊子兮式爛柯之遺軌謂靈真之可觀兮意翩翩而遐舉褰翦鹿肥之花屨約芝田之茹巾割湘雲之枝擊點彩鷁之尾傷胡麻之未飯愛白石之堪煮踰洞真之石扉借修月之寶斧期縑生之來臨兮庶綠文之可授于時玄冬屆朔氣交水腹堅金莖高二鶴夜語獨鳥畫韻弄六花之聚白合溟滓於空寥幻九清之秘景闢太素之神苞奪人目精兮若流水翻空而不定一白無定地兮如爛銀炫耀於霜皐瓊林玉樹愛頽聯條柯頓亡於春綠蘼巧綴於晴梢乃陟瑤磴乃依冰樾膚迫寒而生鱗指屢僵而弗屈丁丁許許不遺餘力已枯成采方長不折玉屑隨聲而輕墮霜壘倚雲而初積束以九真之赤藤附以千年之苓魄既逍遙而永歸忘蕉鹿於今昔歌曰我采我蕪兮大濛之野萬樹瓊璫

欽定四庫全書

文憲集

卷三

兮玉光照夜孰能相從兮與霓旌而俱下於是築石竈
鑄金經養神火煉黃庭永生水虎之窟鉛出火龍之局
液承太乙之珠機運元華之精憑乾坤之卦券植鄧鄂
之丹城逮伐毛而洗髓致陰燦而陽凝種芝於瓊玉之
山折桂於廣寒之庭領衿佩於橋門集鵷鷺於王庭白
簡霜飛繡衣春明近一山而持斧使九夏之生冰迺乘
風而來歸兮於瀛洲之先登隔人間之風雨兮運真凡
之異程至若西隣之子沈酣羶革屏龜香燭筆火花春

欽定四庫全書

文憲集

上

葆階舞楚銀館歌秦黃塵連南華之夢獎屢嗤東郭之
貧樂鍾鼎之遺艷厭烟霞之近醇尚父釣渭阿衡耕莘
或封禪於東海或致君於華勛齊出處於一塗操變志
於屈伸世續紛兮覩以新蠟代薪兮傷芳辰翻海水以
為霖兮曾莫濯夫游塵孰不化為胡燕兮依華張之飛
文丹禽鳴夫空谷兮亦寥寥之一聞彈樵歌之逸響兮
寄綠綺於秋旻歌曰若有人兮在蘭厓止白虎為使陟
崇巘止皓毳迴緇敷天葩止虛白內朗絕纖瑕止仁斧

義斯龍錫鳴止鸛膏匪施痴弗形止剪彼薪樗扶柏松
止養賢大鼎熟以烹止天下為公大道行止遡風屹立
思盈盈止

頌凡八章

平江漢頌有序

天命皇上為億兆生民主旌麾所向悉臣志庭初以軍
旅之師興濠泗間遂撫淮南平江東攻浙東西下之版
圖所入方數千里定都江左發政施仁戴白之叟垂髫

欽定四庫全書

文憲集

上

之童涵泳至化皞皞熙熙如承平時于時陳友諒據有
江漢之地偕居大號賊殺其主大脩蒙衝虐驅烝黎如
蹈水火不自度力又集蜂蟻之衆直傳豫章三月不解
皇赫斯怒乃召羣臣于庭而告之曰陳虜不道敢屢予
侮昔者蕩搖我邊方侵軼我姑孰伺偵駐慶功我金陵
賴爾一二臣隣之力攻而敗之予亦親覆其穴巢中宵
竄走假息武昌予不忍追殲之冀其悔禍以自逭於天
刑癸卯之夏乃復園我豫章是其山德無厭自取殄滅

此天亡之時天之明威予不敢不順唯爾熊羆之臣不二心之士尚弼予以成厥功羣臣曰都於是右丞臣達叅知政事臣遇春帳前親軍指揮使臣國勝同知樞密院事臣永忠臣通海備厥戎器簡厥師徒以俟七月癸酉上躬擐甲胄禡師祭也轟龍江帥樓船數百蔽江而上陳虜大膽解圍而逃丁亥與我師遇鄱陽湖之原郎山戊子上午分舟師為十二屯命達遇春永忠突入虜陣呼聲動天地矢鋒雨集砲聲雷鉤波濤起立飛火照耀百里之內水色盡赤焚溺死者動一二萬流屍如蟻滿望無際已丑焚偽平章舟刈戮餘二千卒卯復酣戰虜將張定邊素號梟猛上親禦之將士皆死戰歷一二時遇春等左右夾擊殺士卒無算張中矢百餘而退潛保鞋山不敢吐氣我師亦據湖口扼彼喉衿列柵南北江岸置火筏中流水陸嚴戒以候其發八月虜食盡遣舟五百艘掠糧都昌又為我大將所獲壬戌虜計窮冒死突出將士趨九江上命諸將一時俱合其大戰如戊子自

辰達面督戰益急友諒中飛矢斃於舟中癸亥降其衆五萬餘上命釋之不戮一人凱歌而旋舳舻相銜旌旗飛翻不疾不徐委蛇而來萬姓歡迎俯伏道左山川草木皆有喜色告廟飲至行當論功賜遇春田若干永忠田若干其餘將士資金繒有差臣稽在昔曹操治水軍八十萬來攻孫權而周瑜黃蓋敗之於赤壁苻堅發長安戎卒六十餘萬騎二十七萬以侵晉而謝玄謝石敗之於淝水然赤壁不過一焚而走淝水亦不過軍亂而奔初未嘗大戰也而史臣具書之以為千古美談矧今湖口之捷血戰累日天地為之晦冥日月為之無光山河為之震盪其神功駿烈炳耀鏗鉤與天無極較之三國未足多讓而歌咏不作非甚闕典歟臣謹備著其事撰為頌詞一通以俟太史氏之采錄云其詞曰天眷有德實為哲皇肆其神畧以靖寇攘義旄東指罔敢弗恭風烈虎嘯雲游龍驤長淮既歸江左攸屬浙之東西樹侯置牧乃建國家以奠南服以懷中原

以控西蜀盡爾小醜敢警大邦集其克頑鋒鏑斧塘
輕涉我疆以跳以踉亦既剪刈僅散覆江海齊六軍直
傾其穴擇而勿誅俾自懲刷闔胡不然復豕而噬翹其
蟲臂當吾車轍皇明震怒歷告在廷是決不悛命將往
征爾選舟師爾整甲兵漕爾糗糧各罄爾誠搖光在中
夷則之月禡牙江濱皇秉巨鉞以誓以戒以逮其終紀
律精明飄火奮激旆旒揚揚旂漢江艘將將矛戈洗洗
鎧胄明明載怒載厲載飛載颺雄威所吞已無荆湘既
與虜逢大呼衝擊藥騰鏖駭星流火戟電奔巨轟
雷劈殺氣冥濛不辯咫尺矢鋒所貫什伍聯聯縱橫交
紐命隕弗顛攢挽湊攢箭束蜩編流尸塞川舟行弗前
虜魄既褫扶創而逸聚于湖奧僅存喘息我方植柵江
之南北火筏在流掩蔽如翼越歷四旬飛走遂窮將冒
萬死以絕其衝我師見之干鏑如龍似兔之走而鷹之
從酣戰六時由辰達酉僕姑矢名也一發殲此酋首貫睛
及顛仆若枯柳大慈既除餘不能醜遞相告言我誠不

扶我革我頑我歸至仁誰謂培塿可高嶙峋再拜稽首
來降來臣皇曰俞哉汝俘予受宥汝弗劉予汝父母汝
凍予衣汝飢予哺音何昏迷今始撤節奏凱而旋騎吹
鸞搖形於樂歌節以獨饒飲至于廟頒賞于朝帛堆其
家肉登其庖都人聚觀舉手加額或嘆或謠有聲噴噴
干戈相尋匪一朝夕自今昇平可坐而笑惟皇神武動
則克之羣策盡屈四方式之惟皇寬慈降則釋之義聲
動盪疇能敵之惟皇明斷遇事即決洞見千里不隔一
髮所以四征成此駿烈小大畢朝孰敢肆孽在昔赤壁
泊乎合淝事以幸集尚傳策書況茲之功俊偉赫煥揆
古無讓可無咏詩臣雖微賤文字是職對揚皇休并獻
臣臆三代以還用仁興國皇宜遵行永作民極

膏露頌有序

淋漓薰涵太赫天休震動中外嘆嗟又明日丙子上御
外朝左丞相宣國公臣善長帥羣臣稱賀上若曰甘露
之降載在往牒然休咎之徵當以類應朕惡足以致斯
卿等尚明為朕言之叅知政事臣稼對曰聖人之德上
及太清下及太寧中及萬靈則青露呈瑞陛下敬恭天
地輯和人民故天不愛道而嘉祥微顯也起居注臣觀
對曰帝王恩及於物順於人而甘露降陛下誕寬民賦
衆庶靡豫底于牧寧神應之臻職此故也翰林侍講學

欽定四庫全書

文憲集

三

士臣素對曰王者敬養耆老則甘露降而松柏受之尊
賢容衆則竹葦受之今露降于松則陛下養老之所致
也宜以制幣策告宗廟頒於史館以永億萬年無疆之
聞上情存損挹皆推而不居言既已丞相帥其班以退
翰林學士臣瀛竊伏自念忝北有星名為天乳若明而
潤則青露下焉王者德格於上恩覃於下靈氛充物秘
貺斯甄此天人感應之常理也欽惟皇上興自臨濠匹
馬渡江十五年間遂成帝業天瑞育滋不一而足彰霞

成鳳御雲聚繡赤鳥飛翔白兔俯伏瑞蓮並蒂嘉禾孕
文寶繫天之所命非人力所致而自至者今又覩茲聖
徵則其德洞淪冥功成不宰三瑞沓至千休滋彰有不
期然而然者矣雖然傳有之受命不于天于其人休符
不于祥于其仁所以孔子之作春秋祥瑞不書而有年
則書豈不以天道元遠難知而人事之為可徵者乎皇
上以天縱之聖留神至治以得仁賢為瑞以五風十雨
為祥視彼前代植金莖以承液夸嘉瑞以紀年者未嘗

欽定四庫全書

文憲集

三

不指以為戒則其英明之識超絕之智卓冠百王為法
萬世是宜美盛德之形容播諸樂歌被之管絃以示聖
子神孫於無窮云其辭曰

上天降康甘露漚漚布於下方凝於休祥其祥伊何靈氣
孔多有甘者液載仁惟澤潛靈是錫誕皇之德天地相
合鴻休翕集厭厭浥浥紛紛密密匪隨日以食兆厥聖
徵如卿之雲如景之星如日之重輪沖和氤氲以文我
太平惟皇之聖貞符自應不卑而流不高而迎第祿之

攸成惟皇之明貞符爾承不歇而傾不恢而盈弗祿之攸寧休慶之即四國之式有濯厥聲耀于千齡

嘉瓜頌 有序

皇明武于九圍德漸仁被和氣薰蒸靈物效祥乃洪武五年夏六月嘉瓜生於句容張觀之園雙實同蒂圓如合璧奇姿分輝紺色交潤誠為曠世之產壬寅京尹臣遇林函以玄甌圖其形于上移文儀曹請以奏聞癸卯高書臣凱等奉瓜以獻時上御武樓中書右丞相臣廣

欽定四庫全書

文嘉集

五

洋左丞臣庸同知大都督府事臣英御史中丞臣寧翰林學士臣瀛咸侍左右天顏怡愉重瞳屢回良久乃言曰徵之往牒其事云何丞相奏言漢元和中嘉瓜生于郡國唐汴州亦獻嘉瓜禎祥之應有自來矣陛下勵精圖治超漢軼唐故天錫之珍符太平有象實見于茲上謙讓弗居然而靈貺之臻復不可不承乃詔內臣實諸乾清宮翌日甲辰薦諸太廟臣濂退而思之夫瓜蒌果力切草實之屬也其蔓遠引其葉阜蔭諸傳有之神瓜合

在地生

形表絲絲之慶此固兆聖子神孫享億萬載無疆之祉

況瓜之所出本於回紇中爾討而獲之故名為西方今

皇上令大將軍統師西征甘肅西涼諸郡俱下而瓜沙

已入職方行見西域三十六國同心來朝連駢八貢大

顯叶瑞其又不在于茲歟然而異畝同穎周公作歸禾

之篇三秀合圖班氏有靈芝之歌矧此嘉植含滋發馨

昭宣我神應焜煌我王度寧可啗於金於甘二切帝極無聲默而遂

已乎願臣驚劣不足以美盛德之形容容生其事願宣

欽定四庫全書

文憲集

付史館以備實錄復繫之以頌頌曰

乾道載清坤維用寧保合太和發為休禎句容之墟物

無疵羈神爪挺出殊實同蒂瓜孰非單此合而生二氣

毓質雙星降精蜜房均甘冰圭競美明月重輪彷彿堪

婉豈無賓連產於戶傍疇若茲瓜協瑞聯祥亦有華平

張翠作蓋疇若茲瓜交輝映彩其兆伊何羅圖絲延西域

既柔德冒八挺羣臣曰都載拜稽首神休滋彰天子萬壽

粵從啟運靈貺疊甄兩岐麥秀合柎孕運矧此貞符近在